

Fréttabréf
Rannsóknastofu í kvennafræðum
við Háskóla Íslands



1. tölublað, 9. árgangur

nr. 18

janúar 2000

Á komandi vormisseri mun Rannsóknastofa í kvennafræðum eins og áður standa fyrir rabbdagskrá í hádeginu og opinberum fyrirlestrum kl.16:00. Dagskráin er kynnt í heild sinni hér í fréttabréfinu. Einnig mun Rannsóknastofan ásamt fleirum, koma að ráðstefnu sem Verkefnisstjórn um upplýsingasamfélagið mun standa að um málefnið „Konur og tækni“, en það verður auglýst síðar. Dagskrá Rannsóknastofu í kvennafræðum á þessu misseri hefst með rabbi Árelíu Eyðisar Guðmundsdóttur, og ber yfirskriftina "Innsti koppur í búri: hver er kjarnastarfsmaður og hver ekki". Árelía mun ræða þá spurningu hvort að á vinnumarkaði gæti nú aukinnar tvískiptingar vinnuafis, þ.e. milli kjarna og jaðarstarfsmanna. Tveim vikum síðar verður opinber fyrirlestur þar sem Kristín Loftsdóttir fjallar um konur og vald á meðal Wodaabe hirðingja í Níger.

Heimasíða Rannsóknastofunnar hefur verið óvirk um tíma vegna lagfæringa, en mun komast í gagníð næstu daga og vera aðgengileg á slóðinni: <http://www.hi.is/stofn/fem>. Einnig bendum við á heimasíðu jafnréttisnefndar Háskólaráðs á slóðinni: <http://www.hi.is/stjorn/jafnrettisn/>. Þau sem vilja fá sendar upplýsingar um dagskrá Rannsóknastofu í kvennafræðum geta skráð sig á netfangalista áhugahóps um kynjafræði með því að senda stofunni upplýsingar um netfang á fem@hi.is.

Stjórn Rannsóknastofu í kvennafræðum skipa Arnfríður Guðmundsdóttir, stundakennari í guðfræðideild, Herdís Sveinsdóttir, dósent í námsbraut í hjúkrunarfræði, Rannveig Traustadóttir, dósent í félagsvísindadeild, Sigríður Dúna Kristmundsdóttir, dósent í félagsvísindadeild, Sigríður Þorgeirsdóttir, lektor í heimspekideild og Svaða Grönlfeldt, lektor í viðskipta og hagfræðideild. Varamaður er Helga Kress, prófessor í heimspekideild.

Útgefandi: Rannsóknastofa í kvennafræðum við Háskóla Íslands

Umsjón: Sóley Stefánsdóttir

Málþing um kynlífsiðnaðinn á Íslandi

Í október sl. hélt Laugarneskirkja málþing í samvinnu við Rannsóknastofu í kvennafræðum. Málþingið bar yfirskriftuna „Kynlífsiðnaður á Íslandi“. Á boðstólnum voru sex áhugaverðir fyrirlestrar, félagar úr Íslenska dansflokknum sýndu dansatriði og í hléi var boðið upp á kaffi og kleinur.

Fyrstur talaði Karl Steinar Valsson aðstoðaryfirlögregluþjónn. Hann talaði um hve auðvelt aðgengi væri að klámi, og mikið efni í boði, þar á meðal barnaklám. Viðurlög við dreifingu á slíku efni sagði hann vera sektir eða fangelsi allt að sex mánuðum, sem er vægari refsing en til dæmis fyrir auðgunarbrot. Spurning sé hvort ekki þurfi að endurskoða þessi viðurlög, sérstaklega þegar um er að ræða dreifingu á barnaklámi. Stöðum sem bjóða upp á nektardans hefur fjölgað verulega, og þar með fjöldi kvenna sem starfa við slíkt. Karl Steinar sagði nauðsynlegt fyrir okkur sem borgara að ákveða hvort við viljum spyrna fótum við þessari þróun, ennþá sé lag, en tíminn vinni ekki með okkur.

Ingólfur V. Gislason frá jafnréttisráði velti upp spurningunni um það hverjir sæki kynlífsþjónustu og hvers vegna. Karlar eru í meirihluta neytenda þessarar þjónustu og telur Ingólfur eina ástæðu áskóknar þeirra í keypt og ópersónulegt kynlíf vera hræðsluna við höfnun. Í samfélaginu er það karlinn sem á að sækja á og vera gerandi en konur að sýna kurteislegt áhugaleysi, af þessu leiðir að karlar upplifa höfnun miklu oftar en góðar móttökur. Ingólfur skiptir þeim sem kaupa sér kynlíf í þrjá hópa; fiktara, sem prófa einu sinni eða tvisvar, fortíðarmenn, en það eru karlar sem ekki geta tekist á við breytta stöðu kynjanna og gengur illa á „almennum markaði“, og uppar, sem telja að fullnæging eigin þarfa og langana sé eina gildi lífsins og að allt sé til sölu. Ingólfur telur að með breyttum hlutverkum og samskiptum kynjanna verði smátt og smátt grafið undan kynlífsiðnaðinum, að ungar konur séu í meiri mæli farnar að sýna frumkvæði án þess að fá á sig hórustimpil.

Rósa Erlingsdóttir stjórmmálafræðingur talaði um vændi í kjölfar stjórnmálafrafræðinga í Austur-Evrópu. Hún sagði að samanburðarrannsóknir á lýðræðisþróun í heiminum sýni að með tilkomu lýðræðislegra stjórnarhátta séu konur gerðar að pólitískum minnihlutahópi. Mikil fátækt fylgdi í kjölfar breytinganna meðal fólks, sem á tímum sósíalísmans starfaði sem almennir verkamenn. „Með tilkomu lýðræðislegra stjórnarhátta og frjáls markaðshagkerfis og aukinni samkeppni á vinnumarkaði voru konur fyrstar til að missa störf sín,“ sagði Rósa. Í kjölfar allra þessara breytinga hefur vændi aukist til muna í löndum Austur-Evrópu og kynlífsiðnaður staðið þar í miklum blóma. Samkvæmt skýrslu nefndar um afnám ofbeldis gegn konum var ályktað að hátt á annað hundrad þúsund konur og börn frá þessum löndum láti leiðast út í vændi ár hvert, og samkvæmt tölum sameinuðu þjóðanna er hagnaðurinn af þessari verslun (trafficking) um 7 milljarðar dala á ári, eða meiri en af ólöglegri vopnasölu. Skipulagðir glæpahringir standa fyrir þessari verslun og á Íslandi hefur þeim tekist að villa á sér heimildir og snúa á íslensk lög undir því yfirskrinu að stundaður sé innflutningur á listdönsurum til landsins. Það er þó ekki í samræmi við skuldbindingar því íslensk stjórnvöld eru frá 24. júní 1980 skuldbundin af alþjóðasáttmála til að tryggja aukin réttindi kvenna, og ber samkvæmt 6. grein þessa sáttmála að grípa til aðgerða með lagasetningum ef þörf krefur, gegn kynlífsiðnaðinum sem nú þrífst hér á landi.

„Lagasetningar skulu taka mið af mannréttindum þeirra kvenna sem orðið hafa fórnarlömb vændis sem rekið er af alþjóðaglæpahringjum og íslenskir aðilar hagnast af Lýðræði og frjálst markaðskerfi er ekki eitt og hið sama,“ sagði Rósa að lokum.


Nanna Sigurðardóttir félagsráðgjafi ræddi um áhrif kynlífsiðnaðar á börn og unglinga. Hún minnti á að ekki er um kynlíf að ræða heldur klám, „þetta er klámiðnaður“ sagði hún og þar ríkja fyrst og fremst peningaleg tengsl milli fólks. Eitt af því slæma við klámið segir Nanna er að það truflar sýn barna á hvað ást og kynlíf er. Forvitni barna til að skoða blöð og bækur segir Nanna vera á undanhaldi en sjónvarpið og Netið hafi komið í staðinn. Stundum leiði þetta klámgláp til klámþráhyggju sem verður til þess að ekki er verið að uppfylla gleði- eða nautnalöngun heldur spennulöngun. Börn þurfa leiðsögn foreldra sinna í þessum nýja heimi, það dugur ekki að láta þau valsa ein um tækniheiminn þar sem margt ógnvænlegt mætir augum. Foreldrar þurfa sjálfir að fræða börn sín.

Hildur Fjöla Antonsdóttir talaði fyrir hönd „Brietar“, félags ungra feministu. Hún ræddi um hvað ungum konum fyndist um klámvæðinguna. Hún segir Briet vera á móti klámiðnaðinum þar sem konur eru hlutgerðar og settar á svið sem söluvara. Það að einhver þriðji aðili, hörmungarar, framleiðendur og dreifiaðilar klámmynda/rita og eigendur klámstaða hagnist á því að selja aðgang að líkómum annarra sýnir fyrst og fremst siðleysi og ábyrgðarleysi viðkomandi aðila og að stuðningskerfi samfélags okkar hríplekur. Í lok erindisins sagði Hildur: „Við viljum hvetja sjálfstæð samtök s.s. foreldrasamtök og Barnaheill til að láta heyrast í sér varðandi klámiðnaðinn á Íslandi í dag og enn fremur hvetjum við stofnanir samfélagsins til að ná tökum á klámvæðingunni sem fyrst, því að eftir höfðinu dansa limirnir!“

Siðastur kom í pontu Helgi Hjörvar, forseti borgarstjórnar og ræddi stefnu borgaryfirvalda í málefnum kynlífsiðnaðarins. Hann sagði þriggja manna nefnd hafa verið skipaða til að fjalla um hugsanlegar breytingar á lögum um þessi efni, en niðurstöður hennar skyldu liggja fyrir 1. des '99. Helgi sagði að borgaryfirvöld hefðu reynt að sporna við þessari þróun í Reykjavík með því að tefja leyfi til vínveitinga, en þrátt fyrir ríkulega lögfræðiaðstoð fundust ekki lagaheimildir til að veita þessari starfssemi aðhald eða banna hana. Samkvæmt nügildandi lögum falla öll veitingahús undir sömu skilgreininguna. Hvaða kaffihús sem er sem hefur vínveitingaleyfi gæti látið stúlkur fara að dansa upp á borðum. Þessum skorti á lagaheimildum segir Helgi að verði að breyta.

Eftir erindin fóru fram miklar umræður og var fólk sammála um að auka þyrfti kynlífsfræðslu barna. Einnig var sterkt benti á nauðsyn þess að koma upp stuðningsneti fyrir stúlkur sem hefðu leiðast út í vændi, til að búa þeim útgönguleið þaðan.

Sóley Stefánsdóttir.



Fréttir frá jafnréttisnefnd Háskóla Íslands

Jafnréttisnefnd Háskóla Íslands tók til starfa í janúar 1998. Starfssvið nefndarinnar nær til jafnréttismála í viðum skilningi. Nú er unnið að áætlun um framkvæmd jafnréttisnefnu Háskólans, sem lögð verður fyrir háskólaráð í febrúar, en jafnréttisnefnd mun annast eftirlit með henni. Nefndin stýrir starfi vinnuhópa sem sérstaklega eru skipaðir til að vinna að tilteknum þáttum jafnréttismála í samráði við þá aðila innan Háskólans sem að þeim málum koma.

Jafnréttisnefnd setti saman starfshóp um kynferðislega áreitni árið 1998. Hann hefur stýrt fræðsluáttaki um meðferð mála er upp kunna að koma innan skólans vegna kynferðislegrar áreitni. Þann 25. júní 1998 gerði háskólaráð samþykkt um aðgerðir til að fyrirbyggja og taka á kynferðislegri áreitni innan Háskóla Íslands. Þar segir m. a. að kynferðisleg áreitni verði ekki liðin, hvorki meðal nemenda né starfsfólks Háskóla Íslands. Jafnframt skuli tryggð réttur þeirra sem verða fyrir slíkrri áreitni til aðgangs að sérstökum aðilum sem leiti leiða til að rétta hlut þess sem misgert hefur verið við. Nú standa jafnréttisnefnd Háskóla Íslands og Reykjavíkurborg fyrir námskeiði um kynferðislega áreitni á vinnustöðum/háskólum í ráðstefnusal Þjóðarbókhöðu dagana 25., 27., og 28. janúar. Mun Ninni Hagman sem hélt velheppnað námskeiði í maí í fyrra koma og stjórna þessu námskeiði. Námskeiðið er liður í áætlun starfshóps jafnréttisnefnar um að taka á málum er varða kynferðislega áreitni á frumstigi. Markmið námskeiðsins er að þátttakendur öðlist nokkra hæfni í að taka á slíkum málum og fái leiðsögn í að bregðast við kvörtunum og leysa úr þeim eftir ákveðnu ferli. Um miðjan janúar 2000 kom út fræðslubæklingur jafnréttisnefnar um kynferðislega áreitni og verður honum dreift til nemenda og starfsmanna skólans.

Fyrir skömmu var ákveðið að jafnréttisnefnd myndi standa fyrir röð fræðslufunda um jafnréttismál á vormisseri 2000. Hugmyndin er að hafa fundi þar sem sérfræðingar munu flytja stutt og hnitmiðuð fræðsluerindi með umræðum í lokin. Fræðslufundunum verður ýtt úr vör í mars næstkomandi en þá verða halnir fundir um laun- og kjaramál í samstarfi við Aþenu, sem er félag kvenna við Háskóla Íslands. Dagskrá verður auglýst síðar.

Jafnréttisnefnd hefur í hyggju að ráða jafnréttisfulltrúa til starfa í hálfu stöðu sem starfsmann nefndarinnar frá og með næsta haustmiseri. Ekki hefur enn verið ákveðið hvaða kröfur verða gerðar til væntanlegs jafnréttisfulltrúa en stefnt er að því að setja markið hátt. Þekking á sviði jafnréttismála er nauðsynleg, reynsla af jafnréttisstarfi æskileg og menntun á sviði jafnréttisrannsókna eða með kynjafnræðilegri áherslu. Lögð hefur verið áhersla á að staða jafnréttisfulltrúa við Háskóla Íslands verði staðsett ofarlega í stjórnsýslunni. Stefnan er að ráða jafnréttisfulltrúa í hálfvart starf þar sem ekki eru forsendur til að ráða í heilt starf. Vel mætti hugsa sér að jafnréttisfulltrúi fengi styrkfé annars staðar frá til að sinna rannsóknum á sviði jafnréttismála og hefði hann þá aðstöðu við Háskóla Íslands.


Jafnréttisnefnd vinnur nú að undirbúningi átaksverkefnis um jafnara námsval kynjanna innan Háskóla Íslands. Framkvæmdaðili verður Jafnréttisnefnd Háskólans og Jafnréttisráð í samstarfi við forsætisráðuneyti, menntamálaráðuneyti, iðnaðar- og viðskiptaráðuneyti og undirstofnanir þeirra, einkum Iðntæknistofnun, Skólameistarafélag Íslands, Gallup-Ráðgarð, Eimskipafélag Íslands og eitt til tvö tölvufyrirtæki. Einnig verði

leitað samstarfs við Stúdentaráð HÍ. Skipuð verður ráðgjafanefnd með fulltrúum þessara aðila og verkefnisstjóri ráðinn. Megin markmið verkefnisins er tvíþætt: I. Að gert verði áttak til að jafna kynjaskiptingu í raun- og tæknigreinum í námi á háskólastigi. Ráðist verði til hvatningarátaks meðal stúlkna í síðasta bekk grunnskóla og í framhaldsskólum og þær hvattar til að velja raungreina-brautir sinna skóla, sem í framtíðinni gæti stuðlað að auknum hlut þeirra í verk- og raunvísindum innan Háskóla Íslands. Að sama skapi verða hefðbundin kvennafög eins og til dæmis hjúkrunarfræði kynnt drengjum í framhaldsskólum; II. Að gert verði áttak meðal kvenna í öllum deildum skólans til að efla þær og undirbúa undir þátttöku í stjórnun og rekstri fyrirtækja og fyrir störf í æðstu stöðum stjórnsýslunnar eftir að námi lýkur. Þetta verði gert með sérstökum námskeiðum og handleiðslu, með verkefnum í þeim námskeiðum skólans sem til staðar eru, og með almennum „áróðri“ sem hvetur konur til að gera starfsframaáætlanir og vinna að verkefnum, sem gera ráð fyrir þeim sem stjórnendum og rekstraraðilum til jafns við karla á öllum sviðum.

Þarft er að stórauka umræðu um kynjaviddir í menntun og þá einna helst í raungreinum. Við upphaf átaksverkefnisins er ætlun jafnréttisnefnar að boða til fræðslufundar og eða málþings um kynjaviddir í kennslufræðum. Önnur leið til að auka vísindalega orðræðu og þjóðfélagslega umræðu um viðfangsefnið er að gera mikið úr afrekum kvenna í raunvísindum til að stúlkur átti sig á að konur fást við þessi fög. Jafnframt er stefnt á að setja upp stuðningskerfi (mentorship) fyrir stúlkur sem velja óhefðbundnar námsgreinar s.s. stærðfræði, eðlisfræði eða verkfræði. Leitað verður samstarfs við hollvinafélög þessara skora við Háskóla Íslands svo og fagfélög í greinum. Jafnréttisnefnd vill benda á bryna nauðsyn þess að svo viðamikil verkefni njóti almenns stuðnings hins opinbera. Mikil þörf er á að jafna kynjahlutfall í fjölmörgum greinum og námsbrautum innan Háskóla Íslands, en eins og fram hefur komið á það ekki einungis við um raunvísindi og verkfræði. Hins vegar er ljóst að atvinnulífð leggur í auknum mæli áherslu á kunnáttu í verk- og tölvunarfræði og eigi konur að eiga jafna starfsframamöguleika og karlmenn er nauðsynlegt að þær leggi stund á þessi fög í jafnara hlutfalli við þá. Með því að leggja áherslu á að átaksverkefnið skili konum í stjórnunarstöðu er markmiðið um jafnrétti kynjanna á öllum sviðum þjóðfélagsins haft að leiðarljósi. Tilgangur átaksverkefnanna er einnig að hjálpa konum að finna sér starf í sinu fagi að námi loknu þ.e. að samþætta nám og starf. Við lok náms og á efri skólastigum er mikilvægt að nemendum sé veittur nægilegur stuðningur til að sameina fjölskylduábyrgð, framhaldsnám og í kjölfarið starfsferil. Hér þarf að breyta hugarfari og viðhorfum, sérstaklega til kvenna og er það hlutverk stjórnvalda að eiga frumkvæði að fjölskyldu-, atvinnu- og skattapólitík sem auðveldar konum og körlum samþættingu náms, starfsframa og fjölskylduábyrgðar. Verkefnið er enn á undirbúningsstigi og er nú unnið að því að finna samstarfsaðila sem lagt geta verkefniinu fé eða þekkingu og efni til námskeiðshalds.

Rósa Erlingsdóttir

DAGSKRÁ VORMISSERIS 2000
RANNSÓKNASTOFA Í KVENNAFRÆÐUM



Röbb: kl. 12.00-13.00, stofu 201, Odda:

27. janúar: Árelía Eydís Guðmundsdóttir, vinnumarkaðsfræðingur : „Innsti koppur í búi: Hver er kjarnastarfsmaður og hver ekki?”

24. febrúar: Guðbjörg Linda Rafnsdóttir, félagsfræðingur : „Hátækni, vinnuskipulag og kynferði”.

9. mars: Úlfhildur Dagsdóttir, bókmenntafræðingur: „Sjá:öld augna. Sjónarspil og sjónræn menning”.

23. mars: Sigríður Matthíasdóttir, sagnfræðingur: „Leningardeilur, þjóðerni og kvenleiki á árunum milli stríða”.

6. apríl: Hrafnhildur Scram, listfræðingur: „Fyrstu íslensku myndlistarkonurnar”.

Opinberir fyrirlestrar í stofu 201 í Odda, kl. 16.00


10. febrúar: Kristín Loftsdóttir, mannfræðingur: „Að standa á sama: Konur og vald á meðal WoDaaBe hirðingja í Níger”.

2. mars: Páll Björnsson, sagnfræðingur: „Frelsi, karlmennska, bræðralag. -Greining á borgaraímyndum frjálshyggjumanna á 19. öld.”

Verkefnisstjórn um upplýsingasamfélagið mun halda ráðstefnu um konur og tækni í samvinnu við Rannsóknastofu í kvennafræðum, Skýrslutæknifélag Íslands, Félag tölunarfræðinga og Jafnréttisráð. Það verður kynnt síðar.

NÝÚTKOMNAR BÆKUR

Í tilefni af 50 ára útgáfuafmæli tímamótaverksins Hitt kynið, eftir franska heimspekinginn og rithöfundinn Simone de Beauvoir, stóð Rannsóknastofa í kvennafræðum fyrir málþingi þann 19. mars sl. Nú eru erindi þingsins ásamt íslenski þýðingu á inngangi Beauvoir að Hinu kyninu komin út á bók sem ber titilinn: *Simone de Beauvoir. Heimspekingur, rithöfundur, feministi.*



Þrátt fyrir að Hitt kynið sé orðið fimmtugt á það enn fullt erindi við samtímann. Það er á margan hátt tímalaust verk því það hefur hleypt lífi í og endurnýjað feminisma allt fram á þennan dag. Rannsókn Simone de Beauvoir á stöðu kvenna markaði eiginlegt upphaf femínískra fræða á 20. öld og má segja að Hitt kynið sé nokkurs konar stofnskrá kvennabaráttu okkar tíma. Þetta áhrifamikla verk, sem mun líkast til vera minnst sem eins af byltingarritum þessarar aldar, hefur engu að síður verið umdeilt. Beauvoir, þessi framúrstefnukona aldamóta-kynslóðarinnar, fór eigin leiðir í lífi sínu og verki. Í Hinu kyninu leggur hún megináherslu á frelsi kvenna og að þær njóti réttar til jafns við karla. Hún andmælir því að hlutskipti þeirra sem „hitt kynið” skerði möguleika og tækifæri þeirra. Af þeim sökum gagnrýnir hún hugmyndir um áskipaða hlutverkaskiptingu kynjanna sem byggja á

líffræðilegu kyni. Með hinni fleygu setningu „maður fæðist ekki kona, heldur verður kona” vildi Beauvoir sýna fram á að kyn væri ekki „líffræðileg örlög” sem dæmdu konur til ófrelsis.

Í ritinu *Simone de Beauvoir. Heimspekingur, rithöfundur, feministi* er leitast við að meta nú í aldarlok framlag Simone de Beauvoir til heimspeki, kvenna- og kynjafræða, bókmennta og kvennabaráttu. Höfundar efnis eru Sigríður Þorgeirsdóttir, Irma Erlingsdóttir, Dagný Kristjánsdóttir, Sigríður Dúna Kristmundsdóttir og Vilhjálmur Árnason. Torfi H Túlínus þýddi innganginn að Hinu kyninu.

UNDIRSTRAUMAR. Nýlega kom út bókin, *Undirstraumar - greinar og fyrirlestrar* eftir Dagnýju Kristjánsdóttur. Bókin er einskonar þverskurður af því sem Dagný hefur verið að gera síðasta áratug eða svo. Hún skiptist í þrennt: Um bókmenntir; Um bókmenntasögu; Um bókmenntafræði og menningu. Þarna eru greinar um bókmenntir á liðandi stundu, fagurfræði, mat, hinsegin fræði, geðveiki, siðfræði ... eitthvað fyrir alla. Reykjavík: Háskólaútgáfan, 1999.

NORA

Vettvangur fyrir feminískar rannsóknir.

Á síðasta ári var ritstjórn hins fjölfaglega, norræna kvennafræðitimarits flutt frá Finnlandi til Svíþjóðar. Núverandi ritstjórar eru tveir, þær Lilja Mósesdóttir og Eva Borgström. Líkt og fyrr er tímaritinu ætlað að vera norrænn vettvangur fyrir feminískar rannsóknir. Það mun koma út þrisvar á ári og hafa nýju ritstjórnir áhuga á að helga eitt tölublað á ári ákveðnu málefni. Jafnframt er það stefna þeirra að hafa fjölbreytta kynningu á feminískum bókum sem gefnar eru út á norðurlöndunum. Í nýjasta heftinu af Noru eru innlegg undir heitinu „umræða“, þar sem Kristín Ástgeirsdóttir ræðir um sambandið milli feminískra rannsókna og kvennahreyfingarinnar.

Ég hvet lesendur til að koma verkum sínum á framfæri í Noru. Fyrir þá sem hafa áhuga á að kynna sér tímaritið bendi ég á að bæði Rannsóknastofa í kvennafræðum og Háskólabókasafnið er með áskrift. Einnig hef ég nokkur eintök sem sjálfsgagt er að senda til þeirra sem ihuga að koma grein í blaðið.

Útgáfa Noru er styrkt af Norrænu ráðherranefndinni og dugar það fyrir prentun og öðrum tengdum kostnaði, en félagið The Nordic Association of Women's Studies and Gender Research, sem kvennafræðistofur frá öllum Norðurlöndunum eru aðilar að, er ábyrgt fyrir útgáfu þess. Hinn íslenski fulltrúi í stjórn félagsins nú er Þorgerður Einarisdóttir. Reiknað er með að ritstjórnin færir á milli Norðurlandanna á 2-3 ára fresti og fer því að koma að Íslandi að taka við. Scandinavian University Press gefur tímaritið út, en Taylor og Francis munu taka tímaritadeild þess yfir á þessu ári. Um framhaldið er nokkur óvissa og hefur m.a. verið athugað með að flytja útgáfuna til Sage.

Nora er ritrýnt tímarit. Hver grein er send til tveggja ritrýna og er það stefna ritstjóranna að þeir séu ekki frá sama landi og höfundurinn. Mikilvægt er fyrir ritstjórana að hafa góða yfirsýn yfir þá sem koma til greina sem rýnar og því langar mig til að biðja alla þá sem eru tilbúnir til að ritdæma greinar frá Noru að senda mér tölvupóst þess efnis (mikilvægt er að helstu fræðasvið komi fram). Ég mun sjá um að koma þeim upplýsingum áfram til Lilju Mósesdóttur og Evu Borgström.

Sendið greinar til:

NORA

Human Work Sciences

Division: Gender and technology

Luleå University of technology

Sweden

Tölvupóstfang: NORA@arb.luth.se

Kristín Björnsdóttir, dósent
námsbraut í hjúkrunarfræði, HÍ
Tölvupóstur: kristbi@hi.is

NORA
Nordic Journal of Women's Studies

Alþjóðlegar ráðstefnur árið 2000.

4-06.02 Toronto, Canada

Mothering in the African Diaspora: Literature, History, Society, Popular Culture and the Arts. An international conference. Deadline for abstracts 15.04.1999. Info: Andrea O'Reilly, A.R.M., 726 Atkinson College, York University, 4700 Keele Street, Toronto, ON Canada M3J 1P3, tel: +1 416 736-2100 x40206, fax: +1 416 736 5416, arm@vorku.ca

02-04.03 Seville, Spain

The Rhetoric(s) of Masculinity. Deadline for abstracts 27.09.99. Info: Carolina Sanchez-Palencia or Juan Carlos Hidalgo, Departamento de Literatura Inglesa y Norteamericana, Universidad de Sevilla, C/ Palos de la Frontera, s/n, E-41004 Sevilla, fax: +34 954551552, csanchez@siff.us.es or jhidalgo@siff.us.es

12-15.04 Amsterdam, The Netherlands

Gender and Technology. 3rd European Social History conference. Info: Raymond Hofman, Belle van Zuylen Institute, Rokin 84-90, 1012 KX Amsterdam, the Netherlands, tel: + 31 20 525 3612, fax: +31 20 525 2219, hofman@pscw.uva.nl

11-14.05 Obory, Polen

Between wars. Nations, nationalisms and gender relations in central and eastern Europe 1918-1939. A follow-up to a conference organized by the GHI Warsaw in 1998, at which scholars from Poland, Russia, the Czech Republic, the Ukraine, Latvia, Germany and Austria discussed 'Gender and Nationalism in Central and Eastern Europe 1848 -1918'. Call for papers-deadline 31.08.99. Info: Dr. Sophia Kemlein, German Historical Institute Warsaw PKiN, XVII p., Plac Defilad 1, skr. 33 PL-00-901 Warszawa, tel. +48 22 6567182, fax +48 22 6937006, kemlein@dhi.waw.pl

26-29.05 Ontario, Canada

Simone de Beauvoir - L'engagement d'une oeuvre et d'une vie. Colloque international. Propositions de contributions avant 1.10.1999. Info: Hélène Benbaruk, Etudes françaises, Trent university, Peterborough, Ontario, Canada K9J 7B8, tel: +1 705 748 1394, fax: +1 705 748 1630, hbenbaruk@trentu.ca

08-11.06 Vancouver, Canada

Women Work and Computerisation: Charting a Course to the Future. 7th International Federation of Information Processing. Info: Deborah Kirby, WWC2000, c/o School of Communication, Simon Fraser University 8888 University Drive, Burnaby, BC V5A 1S6 Canada, dkirby@sfu.ca

23-25.06 Leeds, UK

Gendering Ethics/ The Ethics of Gender. An International Interdisciplinary conference. Across a wide range of disciplines questions of ethics are taking centre stage. This conference will be the first major international, interdisciplinary feminist conference in the UK to address these issues. Deadline for abstracts 01.02.00. Info: Sasha Roseneil & Linda Hogan, Centre for Interdisciplinary Gender Studies, University of Leeds, Leeds LS2 9JT, UK, gender-studies@leeds.ac.uk <http://www.leeds.ac.uk/gender-studies>

29.07-03.08 Tampere, Finland

VI ICCEES (International Council for Central and East European Studies) World Congress. Special field of study: Investigating Gender. Call for papers deadline has expired. Info: Finnish Institute for Russian and East European Studies, Annankatu 44, FIN-00100 Helsinki, Finland, tel: +358 9 2285 4434, fax: +358 9 2285 4431.

Late August/early September 2000 Oslo, Norway

Conflict and Cooperation in Sites of Cultural Co-existence: Perspectives from Women's History conference by the International Federation for Research in Women's History/Federation Internationale pour le Recherche en Histoire des Femmes in conjunction w/the International Committee of Historical Sciences. We seek papers that focus on gendered histories of conflict and cooperation in sites where women, and men, of competing cultures share geographical or geo-political space. Info: Ida Blom, Dept. of History, University of Bergen, P.O.Box 25, N-5027 Bergen, Norway, tel: +47 55 58 23 02, +47 55 58 23 02, ida.blom@hi.uib.no

12-15.09 Zürich, Switzerland

2nd European Conference on Gender Equality in Higher Education.

Info: Office of Equal Opportunity, Prof. K. von Salis, Geological Institute, 8092 Zürich, Switzerland, katharina@erdw.ethz.ch

28.09-01.10 Bologna, Italy

Body, gender, subjectivity. Crossing disciplinary and institutional borders. 4th European Feminist Research Conference. Deadline for abstracts 15.10.99. Deadline for registration 01.05.00. Info: aoife-secretariat@nikk.uio.no

11-14.10 Zurich, Switzerland

Knowledge, Power, Gender. Philosophy and the Future of the "Female Condition".

The 9th Symposium of the International Association of women Philosophers. Info: <http://www.iaph.org>

Skrifstofa Rannsóknastofa í kvennafræðum er staðsett á annarri hæð í norðurálmú aðalbyggingar Háskóla Íslands (3. hæð til vinstri). Skrifstofan er opin á þriðjudögum, miðvikudögum og fimmtudögum frá 10.00 til 12.00. Einnig er hægt að hafa samband í síma 525 4595 og senda símbref til stofunnar í síma 552 1331. Netfang Rannsóknastofunnar: fem@hi.is. Vefang stofunnar: <http://www.hi.is/stofu/fem>

Rannsóknastofa í Kvennafræðum býður nemendum og stuðnisaðilum stofunnar effirtaldar bækur á verulegum afslætti:

-*Fléttur*

-*Íslenskar kvennarannsóknir*

-*Íslenskar kvennarannsóknir. Gagnagrunnur*

Einnig er nýútkomin bók um Simone de Beauvoir til sölu á stofunni.



Mér finnst grísir miklu skemmtilegri er kóngssynir!



RANNSÓKNASTOFA Í KVENNAFRÆÐUM
HÁSKÓLA ÍSLANDS
101 Reykjavík
Sími: 525-4595; Fax: 552-1331
Netfang: fem@hi.is. Heimasíða: <http://www.hi.is/stofn/fem>